



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma Bvllarii Earvmve Svmmorvm Pontificvm
Constitvtionvm Qvae Ad Commvnem Ecclesiae Vsvm post
volumina Iuris Canonici, vsq[ue] ad Sanctissimum D. N.
D. Pavlvn Papam V. emanarunt**

Quaranta, Stefano

Venetiis, 1619

Astrologia iudiciaria.

urn:nbn:de:hbz:466:1-10793

modolibet obtinentes; Præceptores quoque minores, & alios qui beneficia quarumcunq; militiarum obtinent, denique per omnes, & quoscunq; administratores, Rectores, Custodes, officiales, operarios, & quocunq; nomine nuncupatos superiores quorumcunq; hospitalium, Sodalitatum Confraternitatum, Seminiorum, Montium pietatis, collegiorum studiorum generalium, fabricarum ecclesiarum, & piorum vel religiosorum locorum, etiam quæ per laicos, seu clericos coniunctim, vel diuisim regi, aut gubernari solent per modernos quidem intra eundem annum, ut præfertur, eorum vero singulorum pro tempore successores et intra annum, ut dictum est, inuentaria huiusmodi bonorum, ac aliorum supradictorum quæ eorum curæ, seu administrationi commissa sunt, similiter accurate, & diligenter confici; & ad se deferri, eosque ad id per censuras & pœnas ecclesiasticas, aliaq; opportuna iuris, & facti remedijs sibi bene visa cogant, & compellant, ac demum inuentaria omnia prædicta tam a seipsis, quam ab alijs confecta similiter gratis, & sine vlla etiã minima impensa aut exactiõne in loco congruo ad id deputato, ac tuto, & bene clauso reponant, atque perpetuo custodiant, & conseruent, laudabilemque hanc consuetudinem, vbi iam viget, prosequantur, vbi vero non est, quam primum introducant.

Romæ die 8. Iunij 1587.

Et per hanc Constitutionem determinatur quæstio disputata per Abb. in sua q. 3. dub. 4. sub num. 16. & per Couar. in c. 1. de testa. nu. 9. An episcopus, seu Præfatus teneatur facere Repertorium, seu Inuentarium rerum ecclesiæ. De hoc Archiuo faciendo fuit prouisum per multa Concil. Protin. Metrop. præsertim per Neap. sub tit. de visita. §. quoniam fol. 60. Et omnes beneficiati teneantur facere Inuentaria, & maior ecclesia teneatur habere Archiuum vbi collocari debent Pavi. de visita. par. 2. q. 3. Fuscus de visita. cap. 15. num. 33.

ADDITIO. Archiuus est locus in quo reponuntur scriptura publica quæ armarium librorum appellat gloss. in clem. unica in ver. Archiuus de iureiuran. in quo tex. & in c. peruenit. 30. q. 1. fit mentio. de Archiuis Sanctæ Romanæ Ecclesiæ, & nota quod qualibet ciuitas debet habere archiuum publicum, & Camera actorum in quo reponantur acta, & instrumenta publica vt facilius inueniantur, ac incorrupte seruentur tex. est nota in auth. de defenso ciui. §. pen. ver. præcepta. vbi gl. etiam ponit qualiter vocetur præpositus archiuo publico, & quod faciat fidem instrumentum productum ex publico archiuo habens publicum testimonium, est text. in auth. ad hæc. c. de si. instru. in l. c. sus. ff. de probat. in l. moris §. solet ff. de pœnis Grau. cons. 602. nu. 2. lib. 4. & quando dicatur habere publicum testimonium ultra gloss. ibi de clarat Abb. in c. ad audientiam, de præscrip. & ad prædicta vide etiam Innoc. in c. 1. de procura. & Quintil. Mandos. super glo. facult. §. Habita. in ver. Archiuus.

ASTROLOGIA IVDICIARIA.

PRÆTER Summistas sciendum est, quod contra exercentes Astrologiæ iudiciariæ artem, & alia quæcunq; diuinationum genera, librosque de eis legentes, ac tenentes, extat Sixti V. Constitutio Romæ publicata die 9. Ianuarij 1586. & alias Neapoli impressa, Incip. Cali, & terræ creator Deus, & infr. fol. 51. in Bulario.

Cogruit
tit. de
Sortile-
giis.

Hac perpetuo valitura Constitutione Apostolica auctoritate statuimus, & mandamus ut tam contra Astrologos, Mathematicos, & alios quoscunque dicta Iudiciaria Astrologia artem, præterquam circa Agriculturam, Navigationem, & rem Medicam in posterum exercentes, aut facientes iudicia, & uariuitates hominum quibus de futuris contingentibus successibus, fortuitisque casibus, aut actionibus ex humana uoluntate pendentibus, aliquid euenturum affirmare audent, etiam si id se non certe affirmare asserant, aut protestentur, quam contra alios utriusque sexus qui supradictas damnatas vanas, fallaces, & perniciosas diuinandi artes siue scientias exersens, profitentur, & docent, aut discunt, quæ huiusmodi illicitas diuinationes sortilegia superstitiones, ueneficia, incantationes, ac præmissa detestanda scelerata, & delicta ut præfertur faciunt, aut in eis se quomodolibet intromittunt, cuiusque dignitatis gradus, & conditionis existant tam episcopi, & prælati superiores, ac alij ordinarii locorum, quam inquisitores hereticæ prauitatis ubique gentium deprentati etiã si in plerisque ex his casibus antea non procedebant, aut procedere nõ ualebant, diligentius inquirent, & procedant, atque in eos seuerius canonicis pœnis, & aliis eorum arbitrio animaduertant. Prohibentes omnes & singulos libros opera & tractatus huiusmodi Iudiciaria Astrologia, Geomantia, Hydromantia, Pyromantia, Onomantia, Chiromantia, Necromantia, Artis magicæ, aut in quibus Sortilegia, Ueneficia, Auguria, Auspicia, execrabiles incantationes, ac superstitiones continentur, ac ut supra in memorato Iudice interdictos sub censuris, & pœnis in eo contentis, a quibuscunque Christi fidelibus legi, aut quomodolibet retineri, sed illos episcopis, & ordinariis locorum, vel inquisitoribus prædictis præsentari, & consignari debere, & nihilominus eadẽ auctoritate statuimus & mandamus ut contra scienter legentes, aut retinentes libros, & scripta huiusmodi seu in quibus talia continentur, similiter idem inquisitores libere, & licite procedant, ac procedere & pœnis condignis punire, & coercere possint. Non obstantibus, &c.

Indicis librorum prohibitorum Regula 9.

Libri omnes, & scripta Geomantia, Hydromantia, Aeromantia, Pyromantia, Onomantia, Chiromantia, Necromantia, siue in quibus continentur Sortilegia, ueneficia, auguria auspicia, incantationes artis magicæ, prorsus reiciuntur.

Episcopi uero diligenter provideant, ne Astrologia iudiciaria, libri tractatus, indices legantur, uel habeantur, qui de futuris contingentibus successibus, fortuitisque casibus, aut iis actionibus quæ ab humana uoluntate pendent, certo, aliquid euenturum affirmare audeant. Permittuntur autem iudicia, & naturales obseruationes, quæ navigationis, Agriculturae, siue Medicæ artis inuanda gratia conscripta sunt.

Censuras, & pœnas de quibus in prædicta constitutione fit mentio, uide infra in uerbo libri prohibiti, & ad declarationem omnium prædictorum uide Abb. in c. ex tuarum, au. 6. de sortile. & Caiet. in Sum. in uer. obseruatio astrorum. Et pro interpretatione, & significato uocabulorum uide c. 1 26. q. 3. & cap. nec mirum 26. q. 5.

ADDITIO. Ultra Abb. in d. c. 2. de sorti. adde Paul. Grillan. in trac. de sortile q. 11. nu. 12. & 22. & Corrad. Lancel. in templo omni. iudi. lib. 1. c. 1. uers. sortilegia euitare. Navar. cons. 1 sub tit. de sortile. & quæ diffusius refert Ambros. de Vignat. vna cum annot. Franc. Pegn. in tract. de heret. q. 10.